

# NotiOCA

## Sembrando Interpaso

### DEN E EDICION AKI:

Sembrando InterP	1
Fondo pa InterP	1
Beshita di Pereira	2
Fedequinas	2
Mester Locutor	2
Cai Jesurun	2
Interpaso 2013	3
Cabay di 700.000	4

Loke un hende ta sembra awe, e por cosecha esaki mayan. Importante ta pa planta un bon simiya, pero mas importante ta pa duna e mata un cuida consistente y cu tur seriedad. Aunke cu e prome aña di e "Interpaso" moderno na 2010 tabata un exito nunca bisto, ya cu ela pone e deporte y Aruba back, tanto localmente como internacionalmente caminda e tabata. E añanan cu a sigui tabata mes importante, ya cu e mester a segura tur hende cu e no tabata un casualidad, sino cu "Interpaso" tin un posicion indiscutibel den e futuro di e deporte equino di Aruba. Cu e ta exihi hopi trabao, esfuerzo y sacrificio ta un hecho, pero tambe e ta duna hopi satisfaccion, reconocimiento y alegria entre caballistanan.

## Gran exfuerzo di OCA y su miembronan

Pa por sostene un "Interpaso" na un nivel halto ta rekeri placa y aki nos ta mirando hopi esfuerzo y masha bon resultado. Tres accion grandi a tuma lugar. E prome tabata e cuminda di carni stoba cu a produci mas di 5,000 florin. Despues a sigui e soppi cu a duna 700 y algo na ganashi y e ultimo cu tabata e rifa a laga extra den caha di OCA f.16,900. Pues di 3 accion nos a surpasa f.22,000

Claro cu pa tur esaki lo no tabata posibel sin e cooperacion di sponsornan y tambe e miembronan y directiva. Por ehempel, pa e soppi Alex Mansur, Eric Mansur, Fanja Mouawad, Café de Plaza, Minouche Lopez, Gianni's y Alex Cybul a percursa pa un seleccion extraordinario di soppi. Lastima cu e actividad mes, cu no tabata den man di OCA no a produci hopi hende, cu lo por a hasi e

recaudacion hopi mas grandi.

E rifa, di e otro banda, a duna un bon push na e caha di OCA. Banda di tur esnan cu a hasi e esfuerzo pa bende, e empresanan cu a duna e premionan gratis, a yuda grandemente den e ganashi. Nan ta Crown, La Estrella, Driftwood, Benihana, Gariwasabi, ProSports y De Palm Tours.

### Punto nan di interes:

- Fedequinas
- Hueznan pa Inter
- Full Moon cabalgata
- Fondo pa Inter

## Bishita di Pereira y Noticia di Fedequinas

Aruba a recibi un bishita special e fin di siman tras di lomba. Ta trata di Carlos Alberto Madrid, un caballista di Pereira, kende ta e criador di e tremendo trochadora "Consentida de Cartuja", cu a tabata dos biaha Gran Campeona Nacional y un biaha e Reservada. E tin actualmente un ruman completo di Dulce Sueño.

Y papiando di Colombia, OCA a firma finalmente e acuerdo di administracion di registro cu Fedequinas. Esey ta nifica cu tur miembro di OCA por laga OCA registra nan ehemplarnan na Fedequinas, completo cu prueba di DNA. OCA lo bai prepara un documento pa e miembronan sa ki mester hasi y cuanto lo costa pa tin un certificado reconoci internacionalmente.



*Cabalgata ta on! Manera prometi OCA ta sigi cu cabalgatanan pa asina uni nos caballistanan bek. E siguiente ta e fullmoon dia 19 di okt*

## Opurtunidad pa traha y alaves yuda cu Interpaso 2013

**OCA ta buscando interesado pa bira locator di feria. Nan lo recibi un training y e trabao ta bai cu un pago. Ultimo tempo OCA a hanya hopi contratiempo cu locutornan cu ta compromete pa bin locuta y despues no ta presenta, ni avisa cu nan no por bin.**

**E siguiente actividad di OCA ta e cabalgata di luna-yen Diasabra dia 19 di October saliendo for di Arashi. Mas detayes lo sigui despues.**

## Corsow no ta keda afo!



Aspafico di Corsow lo tin su siguiente competencia dia 4 y 5 di October. Corsow ta pendiente di loke nos ta criando y cumprando. Nos por a mira algun cabalista di Corsow, manera Cai Jesurun na nos ultimo feria.

Nos por a mira den medionan social cu Cai Jesurun di Corsow ta fada cu Aruba ta ganando tur cos den e competencia entre e dos islanan y e lo trese "Maximo" for di Puerto Rico pa cambia esaki. "Maximo" a bira e Gran Campeon Reservado di Interpaso 2010 tras di "Melao de Caña". Cai tin un forma pa causa sorpresa. Ta exactamente 10 anja pasa cu ela bin Aruba pa Interpaso 2003 cu su dos yewanan "Protagonista" y "Porcelana" pa gana e titulonnan di Gran Campeona y Reservada di e feria. Cos ta birando cayente !

## Interpaso 2013 den full swing

"Interpaso 2013" ta apenas 10 siman lew y e hueznan ta cla. A trata di hasi e huzgamento mas internacional posibel. Esnan cu ta bin ta Alberto Villasmil di Venezuela, e dama Robbyn Young di Merca y Alejandro Mesa di Colombia. E huez di pre-pista ta Miguel Poleo.

E idea ta pa Diabierne huzga e yewanan den tur modalidad, estilo di "ladies night out". Diasabra ta toca turno di e machonan y Diadomingo ta jinete y amazona tanto pa e categoria avanza como pa esun principiante.

E biaha aki lo tin hopi atraccion tur 3 dia. A hanya Santa Rosa pa pone su feria Agricola cu yen di cos di bende riba Diadomingo, pero tambe lo tin huzgamiento di e mihor razanan di carne y cabrito, loke pa prome biaha lo tuma lugar. Lo tin un sorpresa tambe den forma di un demostracion cu ainda OCA no por divulga. Lo tin atraccion tanto Diabierne como Diasabra y tambe lo tin un banda musical ambos dia.

E preparacionnan pa "Interpaso 2013" pa November 15-16-17 proximo ta cogiendo cada dia mihor forma. E skool equestre "Guadeloupe del Astro" a confirma nan participacion cu entre 6 y 9 cabai pa competi den nos evento. Banda di esey nan ta biniendo cu entre 18 y 22 jinete y amazona pa hasi nos competencia ainda mas internacional. E skool aki tin un operacion na Bogota, Cali y Manizales. Tur e cabainan lo sali di Bogota.

E fin di luna aki tin competencia na Punto Fijo. Esaki lo tuma lugar na un sitio banda di laman, cerca di un club nautico. Tin basta interes di caballistanan di Venezuela pa participa den nos "Interpaso" y na e competencia aki lo bai selecta esnan cu kier bin Aruba, pa asina cuminsa hasi gestionnan di permiso, cu den pasado a stroba e benida di cabai. Tambe tin un grupo di jinete y amazona cu ta hasiendo nan maximo esfuerzo pa Aruba acepta nan participacion.



## Cabay mas bieu na mundo

**O.C.A.**

Oranjestad

Aruba

Phone:

(+297) 594-2495

Fax:

(+297)582-3005

E-Mail:

ocaboard@ocaruba.com

*Nos website:*

<http://www.ocaruba.com/>

HELSINKI, Finlandia (AP) — Di un chikito hueso fosilizado hanja na Yukon, Canada cientificonan a descifra e codigo genetico di un cabay cu a biba mas o menos 700.000 anja pasa, casi 10 biaha mas cu cualkier otro animal cu su genoma a wordo pon'i riba papel.

E cientificonan a usa techincanan y software nobo pa saca e ADN di un fragmento di 12centimeter, mayoriadi cual tawata contamina cu un bacteria di nos era moderno, y hanja un bon potret genetico di un cabay ancestral. E trabou aki a wordo publica Diaranson den e journal "Nature" y discuti na un conferencia cientifica na Helsinki.

E investigacion aki ta duna un mihor comprension tokante e evolucion di un di e mamiferos mas studia. Y mas importante e ta habri posibilidad nobo pa pone riba papel e genenan di otro tipo di animal, di e antepasadonan di e humanonan te na e mastodontes, mamuts y bisontes, ta sigura e autornan principal di e studio aki, Ludovic Orlando y Eske Willerslev, di e universidad di Copenhague.

Esaki ta kibra barrera di tempop Willerslev a laga sa.


E fossil mas bieu di cual su genenan a wordo poni riba papel prome cu e cabay aki tawata un antiguo pariente di e Neandertalnan jama Denisovannan, mas o menos 75.000 anjabieu, cual nan a hanja den un cueva na Siberia.

E cabay bieu aki probabelmente tawata tin e tamanjo di e actual cabaynan arabe, e investigadornan ta bisa. E no tawatatin e mesun gene di musculo grandi cu ta hasi cu e rasanan actual ta bon pa carreda y e tawata mas grandi di locual e investigadornan a pensa, Orlando y Willerslev a bisa.

Tawata tin hopi sushi den e fossil di Yukon cu no tawata cabay sino bacteria, Orlando ta bisa. E ta splika cu pa cada 200 molculnan di AND cu nan a secuencia solamente uno tawata di cabay.

E studio ta calcula cu e division den e mata di evolucion cu ta separa cabay di burico di otro tawat maso menos 4 million di anja pasa.

E analisis tambe a encontra evidencia nobo cu un animal den peliger di extincion cu jama cabay Przewalski, cu por wordo localisa na Mongolia y China, ta e ultimo sobreviviente de cabay nan salvaje. Geneticamente, e especie aki ta distinto di e cabaynan domestica.



## Tokante nos Organizacion...

E Organisation Caballistico Arubano OCA a wordo funda na año 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.